

四庫全書

史部

欽定四庫全書

史部

景定建康志卷八

詳校官監察御史臣沈孫建

檢討臣德生覆勘

總校官檢討臣何思鈞

校對官中書臣張曾炳

謄錄監生臣劉為幹

欽定四庫全書

景定建康志卷八

宋 周應合 撰

建康表四

起南宋永初庚申至昇明戊午凡五十九年為年表

宋

高祖武皇帝姓劉氏諱裕字德興彭城綏興里人也漢楚元王交二十一世孫晉哀帝興寧元年癸

亥三月壬寅夜生帝神光照室盡明是夕甘露降于墓樹產夜而皇妣趙氏殂帝及長雄傑有大度事繼母以孝聞嘗遊京口竹林寺獨臥講堂中上有五色龍章衆僧見之驚以白帝帝乃喜曰上人無妄言皇考墓在丹徒秦史所謂曲阿明徒間有天子氣者也時有孔子恭者善占墓帝嘗與經墓問之曰此墓何如子恭曰非常地也帝由是益自負行止時見兩小龍附翼之想漁山澤同侶亦或觀焉困于貧賤不修

庶陽小節時人莫能識唯琅邪王謐獨深敬重之嘗
于下邳舍逆旅會一沙門謂帝曰江表方亂能安之
者其在君乎既而忽失僧所在帝驚而異之至晉隆
安中平孫思盧循有功桓玄篡位遷天子于尋陽帝
隨桓修入朝玄妻劉氏謂玄曰昨見劉德與龍行虎
步視瞻不凡恐非人下者宜早為其所玄曰方欲北
清中原非劉裕莫足使若關隴平定徐思其宜裕還
丹徒潛謀匡復乙卯帝因遊獵會同謀者二十七人
願從者百十人丙辰平旦城門開馳入稱有詔遂擒
桓修斬之以徇帝嘗造游擊將軍何澹之左右見帝
光曜滿室以告澹之澹之以告玄玄不以為意及聞義兵
起方懼或曰劉裕力弱豈辦之有成玄曰劉裕足為一世
之雄劉毅家無擔石之儲擣菰一擲百萬何無忌劉牢之
外甥酷似舅共舉大事何謂無成時推帝總徐州府事孟
昶為長史居守擅憑之為司馬劉穆之為府主簿帝率二
州之衆一千七百人進及竹里移檄京師三月戊午逆破

皇甫數等於羅落橋進敗桓謙將於覆舟山玄出自
西掖門策馬石頭城輕舟南逸王謚率百辟推高祖
領揚州帝固讓以王謚為揚州刺史留臺朝廷肅然
各守職王謚命尚書以帝為使持節都督徐兗青冀
幽并八州諸軍事鎮軍將軍徐州刺史鎮石頭丁卯
焚桓溫神主于宣陽作晉主于太廟甲午天子至自
江陵庚午詔進帝侍中車騎將軍都督中外諸軍事
錄尚書帝固讓抗表歸藩是月旋鎮京口○義熙三
年二月帝入朝乙卯旋鎮丹徒○四年春正月詔高
祖入輔申前命且為揚州刺史錄尚書事○五年秋
七月加帝北青冀二州刺史○六年六月進太尉中
書監加授黃鉞餘如故○帝自左里旋師天子遣侍
中黃門勞師于行所○七年春正月乙未振旅而歸
京師進大將軍揚州牧給班劍二十人其後又平劉
毅及司馬休之北滅姚秦尅洛陽東還建康封十郡
為宋公備九錫明年進爵為王增封十郡元熙二年

正月天子遣使奉冊禪位于帝如漢魏故事奉表陳讓太史令駱達奏曰自晉義熙元年太白晝見經天凡七占曰太白經天民更主異姓與焉義熙七年五虹見于東方占曰五虹見天子黜聖人出十三年鎮星入太微有立王徙主之兆元熙元年冬有黑龍四登于天易傳曰冬龍見天子亡社稷大人受命冀州道人釋法稱告其弟子曰嵩神言江東有劉將軍漢家苗裔當受天命吾以璧三十二鎮金一餅與之劉氏卜世之數也於是羣公卿士固請乃從之初漢光武立社於南陽漢末而其樹死劉備有蜀乃應之而興及晉末年舊根復萌至是而茂盛乃受法駕于南郊壇柴燎祭于上帝禮畢嚴駕還宮御太極前殿大赦改元永初自永初庚申至昇明戊午八主都建康合五十九年而禪位於齊

時

地

人

事

高祖

永初元

以秣陵故

廬陵王義

夏四月晉恭帝召宋王

年庚申

縣為零陵

真為揚州

入輔

六月壬戌王至

王宮

刺史

建康傅亮諷恭帝禪位

於宋具詔草呈帝使書

之帝欣然操筆謂左右

曰桓玄之時晉氏已無

天下重為劉公所延將

二十載今日之事本所
甘心遂書赤紙為詔甲
子帝遜於琅邪第百官
拜辭秘書監徐廣流涕
哀慟 丁卯王為壇於
南郊即皇帝位禮畢自
石頭脩法駕入建康宮
臨太極殿奉晉恭帝為

二年辛

義真為司

正月辛酉大赦以楊

零陵王優崇之禮皆倣
晉初故事即宮於故秣
陵縣 庚午以司空道
憐為太尉 八月癸酉
立王太子義符為皇太
子 閏月壬午詔晉帝
諸陵悉署守衛

酉

卷八

徙中書令州刺史廬陵王義真為
徐羨之以司徒中書令傅亮為尚
尚書令為書僕射 夏四月己卯
揚州刺史朔詔所在淫祠自蔣子

文以下皆除之 帝聽

訟華林園 九月晉零

陵王殂車駕率百官臨

於朝堂三日十一月辛

亥葬晉恭帝於冲平陵

帝帥百官瞻送

三年壬

正月美之

三月上不豫太尉長沙

戌

進司空刺

王道憐司空徐美之尚

史如故

書僕射傅亮領軍將軍

謝晦護軍將軍檀道濟

並入侍醫藥帝疾瘳已

未大赦 夏五月帝疾

甚美之傳亮謝晦檀道
濟等同受顧命癸亥帝
殂于西殿太子即皇帝
位 秋七月己酉葬武
皇帝於初寧陵

營陽王

諱義符
武帝長
子

景平元

年癸亥

冬十月

有星孛

于天尾

指貫攝

提向大

角仲月

在尾季

月掃天

倉而後

滅

文帝

正月己亥朔大赦改元

辛丑帝祀南郊

諱義隆
武帝第三子

元嘉元年
甲子

八月戊戌夏四月義之召檀道濟
義之進司王弘入朝五月皆至建
徒甲辰皇康以廢立之謀告之甲
弟竟陵王申謝晦以領軍府屋敗
義宣為左悉令家人出外聚將士
將軍鎮石於府內又使中書舍人

頭

邢安泰潘盛為內應夜
邀檀道濟同宿晦悚動
不得眠道濟就寢便熟
睡以此服之時帝於華
林園為列肆親自沽賣
之又與左右引船為樂
夕遊天淵池即龍舟而
寢乙酉詰旦道濟引兵

居前羨之繼其後入自
雲龍門安泰等先誠宿
衛莫有禦者帝未興軍
士進殺二侍者傷帝指
扶出東閣收璽綬羣臣
拜辭衛送還太子宮羨
之等以宜都王義隆素
有令望乃稱皇太后令

數帝過惡廢為營陽王
以宜都王纂承大統遷
營陽王於吳使檀道濟
入守朝堂王至吳止金
昌亭六月癸丑羨之等
弑營陽王於吳傅亮率
行臺百官奉法駕迎宜
都王於江陵八月丙申

宜都王至建康羣臣迎
拜於新亭丁酉王謁初
寧陵還止中堂百官奉
璽綬乃即皇帝位於中
堂備法駕入宮御太極
殿大赦改元戊戌謁太
廟 庚子以謝晦為荆
州刺史既發顧望石頭

二年乙

城喜曰今得脫矣 癸
卯徐羨之進位司徒王
弘進位司空傅亮加開
府儀同三司謝晦進號
衛將軍檀道濟進號征
北將軍 是歲置竹林
寺

正月徐羨之傅亮上表

寅	三年丙	丑 春有江 鵬百許 頭集太 極殿增 六月丙 午吳郡 大風山 水湧出 五丈人 居殺
---	-----	--

侍中司徒 至建康 丙寅下詔暴	召王弘為 正月乙丑帝召檀道濟	歸政表三上帝許之 辛未帝祀南郊大赦 二月乙巳策秀才於中 堂置清園寺
----------------------	-------------------	--

錄尚書事羨之晦亮殺營陽廬陵
揚州刺史之罪命有司誅之遣到

彥之檀道濟討謝晦

是日詔召羨之亮羨之
行至西明門外謝瞻報
亮云殿內有異處分亮
遣信報羨之羨之還西
州乘內人問訊車出郭

步走至新林入陶竈中
自經死亮乘車出郭門
屯騎校尉郭泓收之至
廣莫門上遣中書舍人
以詔書示亮於是誅亮
而徙其妻子於建安
帝下詔戒嚴大赦諸軍
相次進路以討謝晦

二月戊午以金紫光祿
大夫王敬弘為尚書左
僕射建安太守鄭鮮之
為右僕射 庚申上發
建康命王弘與彭城王
義康居守入居中書下
省侍中殷景仁參掌留
任謝晦自江陵東下晦

至江口到彥之至彭城
洲晦使中兵參軍孔延
秀攻將軍蕭欣於彭城
破之又攻洲口柵陷之
道濟既至與彥之軍合
晦惶懼無計戊辰臺軍
至忌置洲尾列艦過江
晦軍一時皆潰晦夜得

小船還江陵丙子帝自蕪湖東還晦至江陵衆散略盡乃携其弟遜等七騎北走已卯至安陸延頭為戍主光順之所執檻送建康於是誅晦矚遜及其兄弟之子并同黨孔延秀周超等

三月辛巳帝還建康徵
謝靈運為秘書監顏延
之為中書侍郎夏五
月乙未以檀道濟為征
南大將軍開府儀同三
司江州刺史到彥之為
南豫州刺史丙午上
臨延賢堂聽訟

四年丁

卯

六月癸卯朔日
有食之
丙辰青
黑虹見
東西經
天十一
月辛未
甘露降

五年戊

正月辛巳帝祀南郊

二月乙卯帝如丹徒乙

巳謁京陵三月丙子宴

丹徒宮帝鄉父老咸與

焉丁亥帝還建康是月

京師疾疫使使巡問給

醫藥無家者賜以棺斂

閱武于北郊

辰

正庚月朔大
午朔大
風京師
大水五
月巳巳
太白經
天六都
庚戌水
下大
秋七月
巳丑大
風九
癸酉夜
有黑氣

如流星
出奎婁
沒羽林

六年己

巳

五月壬

辰朔日

有食之

十一月

己丑日

有食之

不盡如

鉤星晝

正月己丑祀南郊 癸

巳召彭城王義康為侍

中司徒錄尚書事平北

將軍南徐州刺史入知

朝政 三月丁巳立皇

子劭為太子 夏四月

見

七年庚

午

正月壬戌
雪且
雷十月
甲午西

卷八

癸亥以尚書左僕射王
敬弘為尚書令臨川王
義慶為左僕射吏部尚
書江夷為右僕射

十月以竟
三月戊子遣右將軍到
陵王義宣
彥之安北將軍王仲德
為南徐州
兗州刺史竺靈秀等率
刺史猶戍
師北伐尅復河北以長

北有赤
氣中黑
如旌旗
十二月
丙戌太
白晝見
己亥夜
京師火
延太廟
北垣

八年辛

未

二月大
雪四月

石頭

沙王義欣監征討諸軍
事右將軍到彥之安
北將軍王仲德軍敗皆
下獄免官兗州刺史竺
靈秀等坐棄軍伏誅

八月甲辰

六月乙丑大赦天下

以臨川王

義慶為中

辛亥太 白晝見	獲白雀	於左衛	府七月	壬戌夜	白虹見	於東方	十二月	庚辰雷	九年壬	申	四月己 丑太白
------------	-----	-----	-----	-----	-----	-----	-----	-----	-----	---	------------

書令丹陽	尹	六月戊寅	三月庚戌衛將軍王弘	司徒南徐	進位太保加中書監	州刺史彭	丁巳征南大將軍檀道
------	---	------	-----------	------	----------	------	-----------

畫見乙
未雨電
傷牛馬
鳥獸

十年癸

酉

十一年

甲戌

城王義康濟進位司空 七月庚
改領揚州 午以領軍將軍殷景仁
刺史

為尚書僕射太子詹事
劉湛為領軍將軍

正月己未大赦 侍中

左衛率謝弘微卒

三月丙申襖飲于樂遊
園且為江夏衡陽二王

十二年

乙亥

正月己未朔日
有食之
夏四月
丙辰夜
京師地

來朝帝詔會者賦詩命
太子中庶子顏延之為
序十二月置竹園寺

正月辛酉大赦 辛未

上祀南郊 燕王遣使

詣建康稱藩奉貢 四

月加殷景仁中書令中

護軍即家為府 帝遷

震冬十月
太白子十
見

何尚之為
丹陽尹

護軍府於西掖門外
十月江州刺史檀道濟
來朝 彭城王義康欲
以司徒劉斌為丹陽尹
上不許乃以何尚之為
之立宅南郭外尚之立
學聚生徒東海徐秀魯
郡孔惠宣等並慕道來

十三年

丙子

十四年

游謂之南學

正月癸丑朔上有疾不
朝會 三月己未下詔
稱檀道濟潛散金寶招
誘剽猾因朕寢疾規肆
禍心收付廷尉併其子
十一人誅之

王淮之領
正月辛卯大赦

丁丑

鳳凰見
改其地
為鳳凰
里

十五年

戊寅

二月京
師木連
理冬十
月壬子
流星出
太白入

吏部尚書

為丹陽尹

王瑩為左

秋七月新作東宮賜將

光祿大夫

作大匠布帛有差是

開府儀同

歲召處士雷次宗至建

三司丹陽

康為開館於雞籠山使

尹

聚徒教授

紫微有
聲如雷
冬十一
月丁卯
朔日有
食之

十六年

巳卯

五月丁
卯太白
經天八
月戊午
太白晝
見

正月義康正月戊寅閱武於北郊

進位大將 十二月乙亥太子劬

軍領司徒加元服大赦

十七年

庚辰

二月己巳夜黑
氣經天
夏四月
戊午朔
日有食
之六月
己酉太
白晝見
十一月
己酉朔
甘露降

十月以義六月太子劾詣京口拜
康為江州京陵九月上以司徒
刺史出鎮彭城王義康嫌隙已著
豫章徵義恐成禍亂冬十月戊申
恭為侍中收劉湛付廷尉下詔暴
都督揚南其罪惡就獄誅之是日
徐兗三州敕義康入宿留止中書
司徒錄尚省其夕分收湛等青州

苑於樂遊

書事領太刺史杜驥勒兵殿內以
子太傅甲備非常遣人告義康以
戌以殷景湛等罪狀義康上表遜
仁為揚州位詔以義康為江州刺
刺史尚書史侍中大將軍如故出
僕射太子鎮豫章而南兖州刺史
詹事十二月江夏王義恭為司徒錄
以始興王尚書事己丑殷景仁

十八年

辛巳

三月庚子雨電

五月甲

申甘露

降臨川

王園七

月壬辰

夜天有

濬為揚州卒

刺史

正月甲辰以彭城王義
康都督江交廣三州軍
事前龍驤參軍巴東扶
令育詣闕上書引漢袁
盎諫孝文遷淮南王事
帝怒收付建康獄賜死

光通照

十九年

壬午

三月乙未太白
畫見七
月甲戌
朔日有
食之九
月丙辰
有客星

三月戊申置尚書刪
定郎官

三月壬寅帝親臨儒學
召處士雷次宗以巾襦
迫侍王公卿士迄夕罷
賜諸生帛各有差四
月甲戌上以疾愈大赦
十月甲申柔然遣使

在北平
因為誓
入於文
昌貫五
車掃畢
掃大節
經天苑
至季冬
乃滅

二十年

詣建康 十二月丙申
詔曰胄子始集學業方
興自微言滅絕將涉千
祀懷人感事意有慨然
奉聖之肩連議紹襲於
先廟地特為營造給祠
直令四時享祭

正月辛亥郊開萬春千

癸未

六月秣

陵縣白

雀見十

一月辛

丑太白

畫見

二十一

年甲申

六月京

師霖雨

七月甘

露降樂

秋等門 二月甲戌閱

武於北郊 夏四月甲

午封皇子誕為廣陵王

冬十月丙 正月己亥帝耕藉田大

子起徐湛赦 二月己丑江夏王

之本職丹義恭進位太尉領司徒

陽尹 辛卯立皇子宏為建

遊苑十
月丙子
雷且電

二十二

年乙酉

八月甲

午太白

晝見冬

藉田獲

嘉禾

平王 魏主使員外散
騎常侍高濟來聘

以趙伯符 正月辛卯詔頒元嘉歷

為丹陽尹 三月壬戌封皇子緯

為東海王昶為義陽王

三月乙未皇太子劬

釋奠於國學 秋武陵

王駿遣沈慶之討平諸

蠻獲三萬餘口徙萬餘
口於建康 伯符在郿
嚴酷曹局不堪命或委
叛被錄赴水而死 以
荊州刺史衡陽王義季
為征北大將軍開府儀
同三司南兗州刺史九
月癸酉上餞義季於武

帳岡冬十月乙未太子
詹事范曄散騎常侍孔
熙先等奏大將軍謀反
伏誅丁酉免侍中彭城
王義康為庶人絕屬籍
幽於安成郡 初江左
二郊無樂宗廟雖有登
歌亦無二舞是歲南郊

二十三

年丙戌

六月癸未朔日
有食之
嘉禾秀
於華林
園甘露

始設登歌是冬浚淮起
湖熟田千餘頃西去城
八十里

夏四月丁未大赦 九

月乙卯上臨試諸生於

國學賜學官帛有差

是歲堰玄武湖於樂遊

苑北興景陽山於華林

降於長
寧陵

二十四

年丁亥

二月京
師梨樹
連理三
月甘露
降景陽
山六月
京師疾
疫

園

正月甲戌大赦天下文
武賜位一等捐秣陵今
年田租之半藉田華林園
職掌疇量賜之 十一
月封皇子渾為汝陰王
劉秀之再為建康令政
績有聲

二十五

年戊子

閏月辛
亥雨電
四月丁
卯太白
經天四
月丁丑
青龍見
於義湖
南五月
戊戌黑
龍見玄
武湖

閏二月己酉帝大蒐於

宣武塲三月庚辰校獵

宣武塲夏四月新作

闔闔廣莫等門改先廣

莫門曰承明開陽曰津

陽秋八月甲子封皇

子或為淮陽王九月辛

未以尚書右僕射何尚

		<p>之為尚書左僕射領軍將軍車駕幸江寧經劉穆之墓詔致祭墓所</p>	<p>正月辛巳祀南郊 二月己亥上如丹徒謁京陵夏五月壬午帝還建康</p>
<p>二十六 年己丑 冬十月 癸卯彗 星見於 太微</p>		<p>徐湛之為 丹陽尹</p>	<p>二月魏主自將步騎十</p>
<p>二十七</p>			

年庚寅

萬攻懸瓠不克夏四月
魏主引兵還 秋七月
庚午帝遣寧朔將軍王
玄謨帥沈慶之申坦將
水軍入河臧質王方回
徑造許洛武陵王駿南
陽王鐸各勒所部東西
齊舉太尉江夏王義恭

出次彭城為衆軍節度
伐魏乙亥玄謨進圍滑
臺九月辛卯魏主引兵
南救滑臺十月乙丑魏
主渡河衆號百萬玄謨
懼退走十一月甲午薛
安都等克陝城魏兵大
潰上以王玄謨敗退魏

兵深入柳元景等不宜
獨進皆召還壬子魏主
攻彭城十二月丙辰朔
魏引兵南下城邑望風
奔潰戊午建康纂嚴已
未魏兵至淮上庚午魏
主至瓜步壞民廬舍伐
蒿為筏聲言欲渡江建

康震懼民皆荷擔而立
壬午內外戒嚴命領軍
將軍劉遵考等將兵分
守津要遊邏上接于湖
下至蔡洲陳艦列營周
亘江濱自采石至於暨
鎮石頭總陽六七百里
吏部尚書統水軍湛江
湛兼領軍軍事處置

之守石頭
悉以委焉上登石頭城
倉城
有憂色曰檀道濟若在

宣使胡馬至此上又登
幕府山觀望形勢購魏
主及王公首魏主鑿瓜
步山道使求和請婚

二十八
年辛卯

湛之為僕
正月丙戌魏主自瓜步
射護軍將掠居民焚廬舍而去

四月己卯彗星見于昴五月壬午彗星見太微中對帝座彗星起畢昴入太微掃帝座翼軫門滅

軍

帝遣中書舍人嚴龍賜彭城王義康死二月甲戌降太尉義恭為驃騎將軍開府儀同三司戊寅魏主濟河辛巳降鎮軍將軍武陵王駿為北中郎將壬午上如瓜步是日解嚴三月乙

酉車駕還宮 丙申拜

初寧陵 五月戊申以

尚書左僕射何尚之為

尚書令以吏部尚書王

僧綽為侍中

二十九

冬十一月二月庚午封皇子休仁

年壬辰

壬寅揚州為建安王 三月上聞

二月乙未雷且

刺史廬陵魏世祖殂遣撫軍將軍

雪三月
壬午大
風拔木
都下災
熒惑逆
行守氏
自十一
月霖雨
連雪陽
光罕曜
十二月
戊申黃
霧四塞

王紹堯

蕭思話督張永等向礪
礪魯爽等出許洛臧質
趣潼關伐魏秋七月張
永等至礪礪攻累旬不
拔丁卯思話命諸軍皆
退屯歷城己丑上以諸
將屢出無功下詔免思
話尚書令何尚之以

老請致仕退居方山詔
書敦諭數四尚之復起
視事 壬辰徙汝陰王
渾為武昌王淮陽王或
為湘東王丁酉省大司
農太子僕廷尉監官
十二月卒未以江夏王
義恭為大將軍南徐州

三十年

癸巳

帝為太子
所
子幼
所
弒正月
月
大風飛
雷
霰且
秋七月
辛巳朔
日有食
之

刺史錄尚書事

正月戊寅太子劬始興王濬與嚴
以南譙王
道育等詆事發帝欲
義宣為司
廢太子劬賜始興王濬
徙揚州刺
死立建平王宏為太子
史

江湛欲立南平王鐸徐
湛之欲立隋王誕議不
決每夜與湛之屏人語

或連日累夕常使湛之
自秉燭繞壁檢行慮有
竊聽者帝以其謀告潘
淑妃妃以告濬濬馳告
劬劬乃密與腹心隊主
陳淑兒齊帥張超之等
謀為逆初帝置東宮實
甲萬人劬性黠而剛猛

帝深倚之及將作亂每
夜饗將士或親自行酒
王僧綽密以啟聞癸亥
夜劬詐為帝詔云魯秀
謀反汝可平明守闕帥
衆入甲子宮門未開劬
以朱衣加戎服上乘畫
輪與蕭斌同載衛從如

常入朝之儀守門開從
萬春門入舊制東宮隊
不得入城劾以偽詔示
門衛曰受敕有所討令
後隊速來張超之等數
十人馳至雲龍門及齊
閣拔刀徑上合殿帝是
夜與徐湛之屏人語至

旦燭猶未滅門階戶席
直衛兵尚寢未起帝見
超之入舉几捍之五指
皆落遂弑之湛之驚起
趣北戶未及閤人殺之
劬進至合殿中閤聞帝
已殂出坐東堂蕭斌執
刀侍直呼中書舍人顧

嘏嘏震懼不敢出既至
問曰欲共見廢何不早
啟嘏未及答即於前斬
之江湛直上省聞喧譟
聲乃匿傍小屋中劬遣
兵就殺之左細仗主廣
威將軍卜天與疾呼左
右出與劬戰手射劬於

南平王鏐
戍石頭

東堂幾中之劬使人從
東閣入殺潘淑妃及太
祖親信左右數十人急
召始興王濬使帥衆屯
中堂濬從南門出徑向
石頭文武從者千餘人
時南平王鏐戍石頭兵
士亦千餘人俄而劬遣

張超之馳馬召濬濬乃
屏人問狀即戎服乘馬
而去劬詐為太祖詔召
大將軍義恭尚書令何
尚之入拘於內併召百
官至者纔數十人劬遽
即位大赦改元太初
乙丑悉收先給諸處兵

還武庫 武陵王駿屯
五洲沈慶之自巴水來
咨受軍畧三月乙亥典
籤董元嗣自建康至五
洲具言太子弑逆狀劾
密與沈慶之手書令殺
駿慶之求見王王懼辭
以疾慶之突入以劾書

示王王求入內與訣慶
之曰下官受先帝厚恩
今日之事唯力是視殿
下何見疑之深王起再
拜曰國家安危全在將
軍慶之即令內外勒兵
旬日之間內外整辦人
以為神兵庚寅武陵王

戒嚴誓東南譙王義宣

三月壬午及臧質皆不受劬命起
太子劬以兵應駿乙未武陵王發
臧質為丹西陽丁酉至尋陽南譙
陽尹王義宣遣臧質引兵詣

壬子太子尋陽與駿同下劬聞四
劬以褚湛方兵起始憂懼戒嚴悉
之為丹陽召下番將吏遷秦淮南

尹統石頭岸居民於北岸盡聚諸
王及大臣於城內移江

夏王義恭處尚書下舍

分義恭諸子處侍中下

省夏四月癸卯柳元景

統薛安都等十二軍發

湓口丁未武陵王駿發

尋陽沈慶之總中軍以

從庚戌武陵王檄書至
建康劬拘武陵子於侍
中下省南譙王義宣子
於太倉空舍壬子焚淮
南岸室屋淮內船舫悉
驅民家渡水北立子偉
之為皇太子以始興王
濬妃父褚湛之為丹陽

尹人情大震癸丑武陵
王軍於鵲橋柳元景以
舟艦不堅憚於水戰乃
倍道兼行丙辰至江寧
步上使薛安都帥鐵騎
耀兵於淮上戊午武陵
王駿至南洲降者相屬
己未軍於溧洲癸亥柳

元景潛至新亭依山為壘甲子飭使蕭斌統步軍褚湛之統水軍與魯秀王羅漢劉簡之等精兵合萬人攻新亭壘飭自登朱雀門督戰元景開壘鼓譟以乘之飭衆大潰墜淮死者甚多飭

更帥餘衆自來攻壘元
景復大破之劬僅以身
免走還宮丙寅武陵王
至江寧劬濬憂迫無計
以輦迎蔣侯神像置宮
中稽顙乞恩拜為大司
馬封鍾山侯戊辰武陵
王軍於新亭己巳王即

皇帝位是日劬亦臨軒
拜太子偉之大赦五月
癸酉臧質以兵二萬至
新亭隨王誕遣參軍劉
季之將兵與顧彬之俱
向建康劬遣殿中將軍
燕欽等拒之遇於曲阿
奔牛塘欽大敗劬於是

緣淮樹柵以自守又決
破岡方山埭以絕東軍
甲戌魯秀募勇士攻大
航克之乙亥輔國將軍
朱脩之克東府丙子諸
軍克臺城各由諸門入
會於殿庭劬穿西垣入
武庫井中隊副高禽執

之縛劬於馬上防送軍
門斬劬及四子於牙下
濬帥左右南走遇江夏
王義恭於越城勸與俱
歸於道斬之及其三子
劬濬父子首並梟於大
航暴尸於市 庚辰解
嚴辛巳帝如東府 甲

午帝謁初寧長寧陵

五月戊戌 戊戌以南平王鐸為司

以蕭思話 空建平王宏為尚書左

為中書令 僕射蕭思話為中書令

丹陽尹 丹陽尹 六月丙午帝

還宮 十二月癸未以

將置東宮省太子率更

令

孝武帝

諱駿文
帝第三
子也

孝建元

年甲午

秋七月

丙申朔

日有食

之冬十

月癸亥

犯進賢

以義宣為正月己亥朔上祀南郊

中書監都改元大赦 甲辰以尚

督揚豫二書令何尚之為左光祿

州丞相錄大夫護軍將軍以左衛

尚書六條將軍顏竣為吏部尚書

星十一
月甲申
甘露降
長寧

史
事揚州刺史領驍騎新軍 丙子立
皇子子業為皇太子

二月辛未丞相荆襄二
州刺史南郡王義宣與
臧質魯爽徐遺寶舉兵
反自號建平元年三月
癸亥內外戒嚴四月丙
戌左將軍薛安都等大

破魯瑛於小峴斬首傳
京師五月甲辰義宣至
蕪湖西藏質逼梁山甲
寅輔國將軍王玄謨帥
衆軍與臧質大戰於梁
山質敗走義宣自蕪湖
赴馬玄謨縱兵苦戰薛
安都繼出乘之賊大敗

義宣單舸南走己未解
嚴是日垣護之朱修之
帥師南定遺寇六月臧
質西奔武昌投南湖斬
之傳首京師庚辰脩之
入江陵殺義宣并誅其
子十六人及同黨竺超
民從事中郎蔡超諮議

二年乙未

參軍顏樂之等超民兄弟應從誅何尚之言賊既遁走一夫可擒今戮及兄弟則與其餘逆黨無異上乃原之罷南蠻校尉遷其營於建康

十月壬午五月湘州刺史劉遵考以太傅義為尚書右僕射六月

恭領揚州甲子大赦 七月癸巳
刺史

立皇弟休祐為山陽王
休茂為海陵王休業為
鄱陽王 八月詔祀郊
廟初設備樂 九月丁
亥閱武於宣武場 十
月壬午以建平王宏為
尚書令

三年丙

申

秋七月

熒惑守

南斗四

月戊戌

太白犯

與鬼

閏月以尚正月庚寅立皇弟休範

書左僕射為順陽王休若為巴陵

劉遵考為王戊戌立皇子子尚

丹陽尹秋為西陽王甲寅大赦

七月以皇 上以熒惑守南斗廢

子子尚為西州舊館使子尚移治

揚州刺史東城以厭之丙午太

九月遵考傳義恭進位太宰領司

為尚書右徒 二月辛未策孝秀
僕射右將 於東堂 是月丁丑初
軍顏竣為制朔望臨西堂接羣臣
丹陽尹 受奏事 六月乙未聽

訟於華林園

大明元

年丁酉

五月壬
子紫氣

六月丁亥 正月辛亥朔改元大赦

以竣為東 三月壬戌初令大臣

揚州刺史 加班劍者不得入宮城

出景陽樓狀如薄烟迴茂
久之戊午嘉禾一株五
莖生清暑殿鵲吻中

二年戊

戌

四月辛丑地震

劉秀之為門 夏四月京師疾疫
丹陽尹 五月改景陽樓為慶

雲樓

二月乙酉以金紫光祿
大夫褚湛之為尚書左
僕射 夏四月甲申立

皇子子綏為安陸王

三年己

分浙江西

豫章王子

三月己亥司空竟陵王

亥

立王畿以

尚為揚州

誕殺兗州刺史垣閭據

三月土

浙江東為

刺史加都

廣陵城反

己巳內外

守牽牛

揚州

督

戒嚴以車騎大將軍開

府儀同三司沈慶之為

南兗州刺史帥師北伐

豫州刺史宗慤徐州刺

史劉道隆並引軍來會
癸丑慶之至廣陵

甲子帝御六師出宣武
堂七月己巳沈慶之
克廣陵城擊傷誕隆水
引出斬之上聞廣陵平
出宣陽門敕左右皆呼
萬歲廣陵城中民無老

小恚命殺之沈慶之請
自五尺以下免之上聚
其首於石頭南岸為京
觀 辛未大赦 九月
壬辰築上林苑於玄武
湖北 初晉人築南郊
壇於已位徐爰以為非
禮詔徙於牛頭山西直

宮城之午位 帝又命

尚書左丞荀萬秋造五

路依金根車加羽葆蓋

正月乙亥祀南郊耕藉

田大赦 己卯詔祀郊

廟初乘玉路 庚寅立

皇子子勛為晉安王子

房為尋陽王子頊為歷

四年庚夏四月癸

子 卯以南琅

五月月 邪郡隸王

入太微 畿

六月太 白犯牛

陽王子鸞為襄陽王

三月丙戌尚書僕射褚

湛之卒 七月甲申開

府儀同三司何尚之卒

十二月復置大司農

官

二月閱武於玄武湖西

二月甲戌幸江乘使

五年辛

丑

正月雪
戊子花
雪降江
夏王衣
有六出
因奏以
為瑞帝
悅之三
月甲戌
夜衆星
西流九
月甲寅
日有食
之十一
月己巳
甘露降

王僧朗為
丹陽尹

使祭王弘王曇首等墓
四月癸巳以西陽王
子尚為豫章王 庚子
詔經始明堂直作文殿
於丙巳之地制如太廟
夏五月丹陽尹王僧
朗表獻蔣陵里所生嘉
瓜 八月戊子立皇子

新安王
第

六年壬

寅

二月月
犯左角

子仁為永嘉王子真為

始安王 九月幸琅邪

郡訊獄 閏月丙申初

築馳道自閭闔抵大航

北自承天門抵玄武湖

九月乙未 正月上祀五帝於明

以丹陽尹堂大赦 丁未策孝秀

王僧朗為於中堂揚州秀才顧法

戊午廿
露降於
京師三
月丙午
青雀見
華林園
秋七月
甲申地
震有聲
如雷

右僕射

秀對制上覽之疾其諒
也投策於地 三月立
皇子子元為邵陵王
四月新作朱雀門 丙
戌初置陰室於覆舟山
修藏冰之禮 九月以
尚書右僕射劉遵考為
左僕射 十月壬申葬

七年癸

卯

四月大
風折初

殷貴妃於龍山鑿岡通
道數十里民不堪役江
南葬埋之盛未之有也
辛巳加尚書令柳元
景司空

正月丁亥以尚書右僕
射王僧朗為太常衛將
軍顏師伯為尚書僕射

寧陵華表

癸未詔於玄武湖大

閱水軍并巡江右講武

校獵 二月甲寅車駕

西巡濟江立行宮於歷

陽燥石涓 壬戌大赦

甲子如瓜步山壬申

還建康 己丑以尚書

令柳元景為驃騎大將

軍開府儀同三司 癸

亥幸尉氏縣觀溫泉

八月詔太官徹膳大赦

天下親幸秣陵訊獄囚

乙丑立皇子子孟為

淮南王子產為臨賀王

庚寅以新安王子鸞

兼司空 己巳上校獵

姑孰 十月壬寅太子

子業冠於太極前殿

丁未車駕南巡百姓有

冤厄屈滯皆聽自面陳

訴自江寧縣南登山及

陵望臺 甲子館行宮

於南豫州城 丙寅聽

政於行所 十一月丙

子小會行所登白紵山
使使祭晉大司馬桓溫
毛璩等墓置守塚三十
戶訊溧陽獄囚於行所
癸未上習水軍於梁
山十二月丙午如歷
陽甲寅大赦己未
太宰義恭加尚書令

癸亥上還建康

八年甲冬十二月加柳元景正月戊子以徐州刺史

辰壬辰復以開府儀同新安王子鸞領司徒

四月雨雹六月流星大為揚州三司領丹宗祀於明堂四月壬

如斛赤陽尹子以吳郡太守顧悌之

色有光以豫章王為吏部尚書兼給事中

照見人子尚為司五月壬寅太宰義恭領

面尾長徒揚州刺史太尉庚申上殂於玉

參北出東行直

下經東
井過南
河沒冬
十月太
白守房

史

燭殿遺詔太宰義恭解
尚書令加中書監以驃
騎將軍南兖州刺史柳
元景領尚書令入居城
內事無巨細悉關二公
大事與始興公沈慶之
參決 是日太子即皇
帝位 甲子詔復以太

宰義恭錄尚書事 七

月乙卯罷南北二馳道
及孝建以來所改制度
還依元嘉 丙午葬孝
武帝於景寧陵 九月
癸卯以尚書右僕射劉
遵考為特進右光祿大
夫 是歲三吳大旱米

廢帝

諱子業
孝武長
子也改
元永光
尋改景
和十一

有價無糴所富人貫珠
玉相交枕死於道路建
康秣陵兩縣為薄粥賑
之

月被弑

明帝

諱或文

帝第十

一子十

一月自

湘東王

立改元

泰始元

秋七月罷

六月壬午

正月己未

朔廢帝改元

年乙巳

東揚州以

加顏師伯

永光大赦

八月辛酉

石頭城為

為丹陽尹

廢帝賜戴

法興死

庚

長樂宮東

八月甲戌

午以丹陽尹顏師伯為

府城為未

揚州刺史

尚書左僕射解卿尹以

央宮田戌

豫章王子

吏部尚書王彧為右僕

以北邸為

尚領尚書

射 太宰義恭與柳元

建章宮南

令

景顏師伯等聲樂酣飲

第為長楊

不捨晝夜帝內不能平

宮

帝殺戴法興大臣各不

自安於是元景師伯密

謀廢帝立義恭沈慶之
發其事癸酉帝自帥羽
林兵討義恭殺之並殺
柳元景顏師伯改元景
和文武進位二等乙
亥以始興公沈慶之為
侍中太尉慶之固辭徵
王玄謨為領軍將軍

九月癸巳帝如姑孰戊戌還建康辛丑賜新安王子鸞死戊申徐州刺史義陽王昶聞江夏王既誅舉兵將襲帝帝聞喜曰自我即位未嘗戒嚴令人悒悒己酉內外戒嚴以沈慶之

為前驅昶聞王師來內
無親附遂棄家而載愛
妾出彭城北門奔後魏
戊午詔親征彭城耀
威宋野 是日於白下
濟江幸瓜步城 十月
丙寅帝旋於京師 寧
朔將軍何邁謀廢帝立

晉安王子勛事泄十一月壬辰帝自將兵誅邁
吏部尚書蔡興宗說
沈慶之廢帝青州刺史
沈文秀慶之弟子也將
之鎮帥部曲出屯白下
亦說慶之曰主上狂暴
如此禍亂不久而一門

受其寵任萬物皆謂與
之同心今因衆力圖之
易於反掌機會難值不
可失也再三言之至於
流涕慶之終不從及帝
誅何邁量慶之必當入
諫先開青溪諸橋以絕
之慶之聞之果往不得

進而還帝乃遣慶之從父兄子直閭將軍攸之賜慶之藥慶之不肯飲攸之以被掩殺之時年八十帝畏忌諸父恐其在外為患皆遷之建康拘於殿內毆捶陵曳無復人理湘東王彧建

安王休仁山陽王休祐
皆肥壯帝為竹籠盛而
稱之以或尤肥謂之猪
王謂休仁為殺王休義
為賊王帝以三王年長
尤惡之常錄以自隨不
離左右 十一月太史
奏湘東有天子氣帝將

南巡以厭之刻期明日
誅四叔乃行諸王見幽
日久計無所出乃與阮
佃夫李道兒陰謀執帝
時直閣將軍柳光世與
姜產之亦有此謀未知所
立及聞佃夫所說遂告
中書舍人戴明寶明寶

響應誣言華林後堂有
鬼戊午夕帝同建安王
山陽王山陰公主向華
林後堂自射鬼直閣將
軍宗越童太一譚金乃
帝腹心也並宿於外主
衣壽寂之姜產之懷刀
以入弑帝帝驚引弓射

寂之不中寂之乃刃帝而死時年十七宣令宿衛曰湘東王受太皇太后令除狂主今已平定殿省惶惑不知所為休仁就祕書省見湘東王即稱臣引升西堂登御座召見諸大臣於時事

起倉猝王失履跣至西
堂猶著烏帽坐定休仁
呼主衣以白帽代之令
備羽儀宣太皇太后令
數廢帝罪惡命湘東王
纂承皇極 己未湘東
王以太皇太后令賜豫
章王子尚及會稽公主

十二月癸死 十二月庚申朔以

亥以建安東海王禕為中書監太

王休仁為尉進鎮軍將軍江州刺

司徒尚書史晉安王子勛為車騎

令揚州刺將軍開府儀同三司

史丙寅湘東王即皇帝位

於太極前殿大赦改元

辛未徙臨賀王子產

為南平王晉熙王子興
為廬陵王 壬申以尚
書右僕射王景文為尚
書左僕射

正月乙未晉安王子勛
僭即偽位於尋陽年號
義嘉 壬辰徐州刺史
薛安都反 甲午內外

二年丙

午

戒嚴司徒建安王休仁
都督征討諸軍事統衆
軍南討 丙戌徐州刺
史申令孫司州刺史龐
孟蚪豫州刺史殷琰青
州刺史沈文秀冀州刺
史崔道固湘州刺史行
事何慧文廣州刺史袁

曇益州刺史蕭慧開梁
州刺史柳元怡並起兵
應子勛是歲四方貢計
皆歸尋陽朝廷所保惟
丹陽淮南等數郡其間
諸縣亦有應子勛者
丙午車駕親御六軍於
中興堂 兗州刺史殷

孝祖之甥潁川葛僧韶
請徵孝祖入朝上遣之
僧韶間行至孝祖孝祖
即日委妻子於瑕丘帥
文武二千人隨僧韶還
建康時四方皆附尋陽
朝廷惟保丹陽一郡而
永世令孔景宣復叛義

興兵垂至延陵內外憂
危咸欲奔散孝祖忽至
衆力不少人情大安甲
辰進孝祖號撫軍將軍
假節督前鋒諸軍事遣
向虎檻 二月乙丑曲
赦吳興晉陵義興山陽
郡以吏部尚書蔡興宗

為左僕射以吳興太守張
永為右軍將軍與齊王東
討平晉陵癸未曲赦浙江
東五郡丁亥建武將軍吳
嘉公率諸軍破賊於吳興
會稽平定同逆皆伏誅
賊劉胡衆四萬據赭圻
三月庚寅撫軍將軍殷孝

祖攻赭圻死之以輔國
將軍沈攸之代為南討
前鋒賊稍盛袁顗頓鵠
尾連營至蕪湖衆十餘
萬丙申南徐州刺史桂
陽王休範總統北討諸
軍事戊戌貶尋陽王
子房爵為松滋縣侯

八月己酉司徒建安王
休仁帥衆軍大破賊斬
偽尚書僕射袁顥進討
江郢荆襄雍五州平之
晉安王子勛安陵王子
綏臨海王子頊邵陵王
子元並賜死同黨皆伏
誅 九月癸巳解嚴大

赦 戊戌以車騎將軍
江州刺史王玄謨為左
光祿大夫開府儀同三
司鎮軍將軍 十月甲
寅立皇子昱為太子
乙卯永嘉王子仁始安
王子真淮南王子孟南
平王子產廬陵王子興

三年丁

未

正月庚
午都下
大雨雪

松滋侯子房並賜死

十一月立建平王景素

子延年為新安王

四月庚子立桂陽王休

範第二子德嗣為廬江

王立侍中劉韞第三子

銑為南豐王以奉廬江

昭王南豐哀王祀 五

月壬戌以太子詹事袁
粲為尚書右僕射 八

月壬寅以中領軍沈攸
之行南兗州刺史帥眾
北侵 九月戊午以皇
后六宮已下雜衣千領
金釵千枚賜北伐將士
十月壬午改新安王

四年戊

申

正月丙
辰朔雨
草於宮
十月癸
酉朔日
有食之

延年為始平王 十二

月立建安王休仁第二

子伯仁為江夏王

正月己未祀南郊大赦

二月乙己光祿大夫

王玄謨薨 四月丙申

以東海王禕為廬江王

山陽王休祐為晉平王

五年己

酉

冬十月
丁卯朔
日有食
之

十二月戊

戌司徒建

安王休仁

解揚州己

未以桂陽

七月庚午上備法駕幸
東宮小會赦揚南徐兗
豫四州

正月癸亥親耕藉田大

赦賜力田爵一級 六

月辛未立晉平王休祐

子宣曜為南平王 九

月甲寅立長沙王慕子

王休範為
延之為始平王

揚州刺史

袁粲加中

書令丹陽

尹

六年庚

戌

三月癸卯

正月乙亥初制間二年

以江州刺

一祭南郊間一年一祭

史王景文

明堂 二月甲寅大赦

為尚書左

丁巳以司徒休仁為

僕射揚州

太尉領司徒固辭 四

刺史

月己亥立皇子變為晉

熙王 六月癸卯以王

景文為尚書左僕射以

尚書僕射袁粲為右僕

射 南充州刺史蕭道

成在軍中久民間或言

道成有異相當為天子
上疑之徵為黃門侍郎
越騎校尉道成懼不欲
內遷九月命道成遷鎮
淮陰 戊寅立總明觀
置祭酒一人儒玄文史
學士各十人 十月辛
卯立皇子贊為武陵王

七年辛

亥

二月癸丑征西將軍荊
州刺史巴陵王休若進
號征西將軍及征南大
將軍江州刺史桂陽王
休範並開府儀同三司
晉平王休祐貪虐無
度上不使之鎮留建康
甲寅休祐從上於巖山

射雉上遣左右壽寂之
等數人逼休祐令墜馬
因共毆拉殺之 五月
戊午鵠司徒建安王休
仁 庚午以袁粲為尚
書令褚彥回為右僕射
丙戌追廢晉平王休
祐為庶人 七月巴陵

哀王休若至建康乙丑
賜死於第 戊寅徵蕭
道成入朝拜散騎常侍
太子左衛率 八月戊
戌立皇子準為安成王
上以故第為湘宮寺
備極壯麗欲造十級浮
圖而不能乃分為二新

安太守巢尚之罷郡入
見上曰卿至湘宮寺未
此是我大功德用錢不
少散騎常侍虞愿侍側
曰此是百姓賣兒貼婦
錢所為若佛有知當慈
悲嗟愍罪高浮圖何功
德之有上怒使人驅下

泰豫元

年壬子

正月丁

巳巨人

跡見西

池冰上

殿愿徐去

四月乙巳

正月甲寅朔上以疾久

以安成王

不平改元戊午皇太子

準為揚州

會四方朝賀者於東宮

刺史

并受貢計二月己未

遣使齋藥賜王景文死

四月己亥上大漸以江

州刺史桂陽王休範為

司空又以尚書右僕射
褚淵為護軍將軍加中
領軍劉劭右僕射詔淵
勔與尚書令袁粲荊州
刺史蔡興宗郢州刺史
沈攸之並受顧命詔又
以蕭道成為右衛將軍
領衛尉與袁粲共掌機

蒼梧王

諱昱明
帝長子

事是夕上殂庾子太子
即皇帝位 八月戊午
樂安宣穆公蔡興宗卒
十一月己亥以郢州
刺史劉秉為尚書右僕
射

元徽元

年癸丑

八月都

下早十

二月癸

卯朔日

有食之

正月戊寅朔改元大赦

桂陽王休範密與典

籤許公與謀襲建康

十二月己巳休範進位

太尉 顧憲之為建康

令時有盜牛者與本主

爭牛各稱己物前後令

莫能決之憲之至覆其

狀乃令解牛任其自去
牛徑還本宅盜者始伏
其罪時人號曰神明至
於權要請託長吏貪殘
據法直繩無所阿縱性
又清儉強力為政甚得
人和故都下飲酒醇旨
輒號為顧建康

二年甲

寅

九月丁酉夏五月壬午江州刺史

以劉秉為桂陽王休範舉兵反丙

丹陽尹戌休範帥衆二萬騎五

百發尋陽晝夜取道以

書與諸執政稱楊運長

王道隆蠱惑先帝使建

安巴陵二王無罪被戮

望執錄二豎以謝冤魂

朝廷震駭褚淵張永劉
劭蕭道成等集中書省
計事莫有言者蕭道成
曰今應變之術不宜遠
出宜頓新亭白下堅守
宮城東府石頭以待賊
至千里孤軍求戰不得
自然瓦解我頓新亭以

當其鋒征北守白下領
軍屯宣陽門為諸軍節
度諸貴安坐殿中不須
競出我自破賊必矣即
日內外戒嚴道成將前
鋒兵出屯新亭張永屯
白下南兖州刺史沈懷
明戍石頭袁粲褚淵入

衛殿省蕭道成至新亭
治城壘未畢辛卯休範
前軍已至新林 壬辰
賊攻新亭壘道成帥衆
拒擊休範白服乘肩輿
自登城南臨滄觀以數
千人自衛屯騎校尉黃
回越騎校尉張敬兒出

城南放仗走大呼稱降
休範喜置回敬兒於左
右回見休範無備目敬
兒敬兒奪休範防身刀
斬休範首敬兒馳馬持
首歸新亭道成遣陳靈
寶送休範首還臺靈寶
道逢休範兵棄首於水

休範將士不之知其將
杜黑驪攻新亭甚急蕭
道成在射堂司空主簿
蕭惠朗帥敢死士數十
人突入東門至射堂下
道成上馬帥麾下搏戰
惠朗乃退丁文豪破臺
軍於皂莢橋直至朱雀

衍南杜黑騾亦捨新亭
北趣朱雀衍右將軍王
道隆將羽林精兵在朱
雀門內急召鄱陽忠昭
公劉勔於石頭道隆趣
勔進戰勔度衍南戰敗
而死黑騾等乘勝度淮
道隆棄衆亦還臺黑騾

兵追殺之王蘊重傷踣
於御溝之側於是中外
大震道路皆云臺城已
陷白下石頭之衆皆潰
張永沈懷明逃還宮中
宮中傳新亭亦陷杜黑
騾徑追至杜姥宅中書
舍人孫千齡開承明門

出降宮省恒擾蕭道成
遣陳顯達張敬兒及輔
師將軍任農夫馬軍主
東平周盤龍等將兵自
石頭濟淮從承明門入
衛宮省陳顯達等引兵
出戰大破杜黑騾於杜
姥宅丙申張敬兒等又

破黑驪等於宣陽門斬
黑驪及丁文豪進克東
府餘黨悉平蕭道成振
旅還建康 丁酉解嚴
六月庚子以平南將
軍蕭道成為中領軍南
兖州刺史留衛建康
荊州刺史沈攸之南兖

州刺史建平王景素郢
州刺史晉熙王燮湘州
刺史王僧虔雍州刺史
張興世並舉義兵赴建
業 六月癸卯晉熙王
燮遣軍剋尋陽江州平
諸鎮皆罷兵 七月庚
辰立皇弟友為邵陵王

三年乙

九月丁酉以尚書令

袁粲為中書監領司徒

加褚淵尚書令 十一

月丙戌帝加元服大赦

十二月癸亥立皇弟

躋為江夏王贊為武陵

王

正月辛巳帝祀南郊明

卯

三月己巳都下大水

四年丙辰

九月車騎將軍揚州刺史安成

堂 袁粲褚淵皆固讓
新官 秋七月庚戌復
以粲為尚書令 八月
庾子加護軍將軍褚淵
中書監
正月己亥帝耕藉田大赦
六月乙亥加蕭道成尚書左僕射劉秉中

王準進號書令楊運長阮佃夫

驃騎大將等忌建平王景素益甚

軍開府儀景素乃與殷瀰垣慶延

同三司沈顥等謀為自全之計

遣人往來建康要結才

力之士冠軍將軍黃回

輔國將軍曹欣之等陰

與通謀武人不得志者

皆歸之時帝好獨遊走
郊野欣之謀據石頭城
伺帝出作亂景素每禁
使緩之七月垣祗祖
帥數百人自建康奔京
口勸景素速入戊子景
素據京口起兵己丑遣
領軍將軍黃回等將水

軍以討之辛卯又命南
豫州刺史段佛榮為都
統蕭道成知黃回有異
志故使佛榮等與之偕
行道成屯玄武湖冠軍
將軍蕭贍鎮東府 乙
未諸軍拔京口殿中將
軍張倪奴擒景素斬之

并其三子同黨垣祇祖
等數十人皆伏誅是日
解嚴 八月丁卯立皇
弟翺為南陽王嵩為新
興王禧為建始王庚午
以給事黃門侍郎阮佃
夫為南豫州刺史留鎮
京師 十月辛酉以吏

順帝

諱準明
帝第三
子

昇明元

年丁巳

部尚書王僧虔為尚書
右僕射

七月丙申夏四月甲戌豫州刺史

以晉熙王阮佃夫步兵校尉申伯

變為揚州宗等謀廢立事發伏誅

刺史

帝忌蕭道成威名嘗
自磨鋌曰明日殺蕭道
成陳太妃罵之曰蕭道
成有功於國若害之誰
復為汝盡力耶帝乃止
道成憂懼乃命王敬則
陰結帝左右楊玉夫楊
萬年陳奉伯等二十五

人於殿中訶伺機便

七月丁亥帝夜微行至
領軍府門左右曰一府
皆眠何不緣牆入帝曰
我今夕欲於一處作適
宜待明夕戊子帝乘露
車與左右於臺岡睹眺
仍往青園尼寺晚至新

安寺偷狗就曇度道人
煮之飲酒醉還仁壽殿
令楊玉夫伺織女度河
曰見當報我不見將殺
汝是夕王敬則出外玉
夫伺帝熟寢與楊萬年
取帝防身刀刎之陳奉
伯袖其首稱敕開門詣

王敬則敬則馳詣領軍
府叩門大呼道成入殿
殿中驚怖既而聞蒼梧
王死咸稱萬歲道成等
下議備法駕詣東城迎
立安成王是日以太后
令數蒼梧王罪惡曰吾
密令蕭領軍潛運明畧

安成王準宜臨萬國追
封昱為蒼梧王 壬辰
王即皇帝位 甲午蕭
道成出領東府 丙申
以道成為司空錄尚書
事驃騎將軍袁粲遷中
書監褚淵加開府儀同
三司劉秉遷尚書令加

中領軍 辛丑以尚書

右僕射王僧虔為僕射

十二月乙 八月癸亥詔袁粲鎮

亥以吏部 石頭 蕭道成固讓司

尚書王奐 徒庚辰以為驃騎大將

為丹陽尹 軍開府儀同三司 十

以中書監 二月荊州刺史沈攸之

袁粲鎮石 舉兵貽蕭道成書曰少

頭

帝昏狂宜共諸公密議
共白太后下令廢之奈
何結交左右親行弑逆
乃至不殯流蟲在戶凡
在臣下誰不惋駭又移
易朝舊布置親黨宮閤
管籥悉關家人吾不明
子孟孔明遺訓果如此

乎足下既有賊宋之心
吾寧敢捐包胥之節耶
朝廷聞之恟懼 丁卯
道成入守朝堂命侍中
蕭嶷代鎮東府 戊辰
內外纂嚴 庚午以右
衛將軍黃回為郢州刺
史督前鋒諸軍以討攸

之 王蘊袁粲劉秉密
謀誅道成袁粲以其謀
告褚淵淵即以告道成
道成遣蘇烈薛淵將兵
助粲守石頭又以驍騎
將軍王敬則為直閭與
伯興共典禁兵粲等本
期壬申夜發劉秉載婦

人盡室奔石頭丹陽丞
王遜等走告道成事大
露王敬則至中書收劉
韞殺之又殺伯興蘇烈
戴僧靜等帥數百人自
倉門得入并力攻桀自
亥至丑戴僧靜分兵攻
府西門焚之桀父子俱

死百姓哀之謠曰可憐
石頭城寧為袁粲死不
作褚淵生劉秉父子走
至額檐湖斬之 乙亥
以尚書僕射王僧虔為
左僕射王延之為右僕
射張岱為吏部尚書
辛丑尚書左丞江謚建

議假蕭道成黃鉞從之

乙巳蕭道成出頓新

亭

二年戊

午

以揚州刺史正月己酉朔百官戎服

史晉熙王入朝沈攸之盡銳攻

變為司徒郢城柳世隆乘間屢破

之丁卯攸之走還江

陵張敬兒襲江陵荊州

三月乙未日有食之九月乙酉朔日有食之

平攸之與其子文和走
至華容界皆縊於櫟村
己巳村民斬首送江陵
敬兒乃送建康 丙子
解嚴以侍中柳世隆為
尚書右僕射蕭道成還
鎮東府丁丑以侍中蕭
嶷為中領軍 三月庚

辰以王僧虔為尚書令
右僕射王延之為左僕
射褚彥回為中書監
癸未加蕭道成都督南
徐等十六州諸軍事以
衛將軍褚淵為中書監
司空道成表送黃鉞
蕭道成以黃回終為亂

辛卯召回入東府至停
外齋使桓康將數十人
數回罪而殺之 乙未
以蕭贖為領軍將軍

進蕭道成

九月丙午詔進道成假

領揚州牧

黃鉞大都督中外諸軍

事太傅領揚州牧劍履
上殿入朝不趨贊拜不

三年己

未

四月禪
位於齊

名使持節太尉驃騎大

將軍錄尚書南徐州刺

史如故道成固辭殊禮

正月辛亥以竟陵世子

贍為尚書僕射進號中

軍大將軍開府儀同三

司甲寅以道成謝朓

為侍中王儉為左長史

二月甲午詔申前命命
太傅贊拜不名三月甲
辰以太傅為相國總百
揆封十郡為齊公加九
錫其驃騎大將軍揚州
牧南徐州刺史如故甲
寅齊公受冊命赦其境
內以石頭為世子宮一

如東宮以王儉為齊尚
書右僕射領吏部夏四
月壬申朔進齊公爵為
王增封十郡丙申加齊
王殊禮進世子為太子
辛卯下詔禪位於齊壬
辰帝當臨軒不肯出藏
於佛蓋之下王敬則勒

兵殿廷以板輿入迎太
后懼帝收淚謂敬則曰
欲見殺乎敬則曰出居
別宮耳官先取司馬家
亦如此是日百僚陪位
侍中謝朓在直當解璽
綬陽為不知曰有何公
事傳詔云解璽綬授齊



王肱引枕卧遂朝服步
出東掖門仍登車還宅
乃以王儉為侍中解璽
綬禮畢帝乘畫輪車出
東掖門就東邸司空褚
淵等奉璽綬帥齊官勸
進

景定建康志卷八